

Risotto

lo & leduc

Äs isch rüährend, wi mir tüä
Wi du mi rüähersch, we du mi rüähersch
Wini di rüähr, weni dir rüähr
Muäsch nid berüährä, dass berüähersch
We du mi rüähersch
Muäs nid berüährä, dass di rüährt, weni di rüähr

Äs isch nid eifach, nei man
Oh weder aui sägä, wi du söttsch
Wi du söttsch, merksch, dass mä ds nid allei cha, Neymar
Da chasch du rüährä, rüährä, rüährä, wi du wosch, Risotto

Olivenöl i Pfannä dri, nächer di Zibelä
Sodass ni numä no d Ougä glasi si
Nächer dr Riis, lanä lah lidä, när äs Glass Wisswi
Nächer dr Safran, beides sött vom Wallis si
Äs löschterä ab, was isch d Erwartig gsi
I sägä, wart ä chli (jaja)
I meinä, wär isch tschuud (frag mi nid)
I bruchä ni viu, nei numä Geduud
Immr knapp zuedeckt

Äs isch nid eifach, nei man
Oh weder aui sägä, wi du söttsch
Wi du söttsch, merksch, dass mä ds nid allei cha, Neymar
Da chasch du rüährä, rüährä, rüährä, wi du wosch
Risotto, Risotto, Risotto, yeah, Risotto, Risotto

D Luft u mir stöh i dr Chuchi, äs isch chaut vorus
Du äs Maiching, ig dr Zeigfinger am Dampfabzug
Si sägä, was nach isch, git Ribig, vrgiss ds nid
I ribä dä Parmesan, lug mini Narbä ah, sägä mir Ribery
I sägä, setz di doch, du seisch, du blibsch hiä nid (no no)
Si sägä, ds bestä Gricht muäs simpu si, nur stimmt ds nid (no no)
I sägä, ds bestä Gricht vrurteilt nid
Säg mir, ds wiviutä Mau rüährä macht dr Ungrschid
U mä lehrt, ä Gschicht het ke Reset
Wifläckä uf Tischset, Ris bissfest
Glich bisch fest enttüscht, i müässts igseh
Glich gsesch du, wini dr Abzug drück
Ghöres klickä und äs ziehtmi mitem Dampf gad zu dir zrüg

Äs isch rüährend wi mir tüä
Wi du mi rüähersch, we du mi rüähersch
Wini di rüähr, weni dir rüähr
Muäsch nid berüährä, dass berüähersch
We du mi rüähersch
Muäs nid berüährä, dass di rüährt, weni di rüähr

Äs isch nid eifach, nei man
Oh weder aui sägä, wi du söttsch
Wi du söttsch, merksch, dass mä ds nid allei cha, Neymar
Da chasch du rüährä, rüährä, rüährä, wi du wosch
Risotto, Risotto, Risotto, yeah, Risotto, Risotto